



Inatsisartunut ilaasortaq Sofia Geisler, Inuit Ataqtigiit

E-mailikkut uunga nassiunneqarpoq: inatsisartut@inatsisartut.gl

Ittoqqortoormiit eqqaanni angallannermut takornariaqarnermullu pissutsinut tunngatillugu § 37 napertorlugu apeqqummut nr. 220-2018-imut akissut

11. september 2018
Sagsnr. 2018-17608

Inatsisartut suleriaasiat § 37 naapertorlugu matumuuna akissuteqarfigineqartunik Naalakkersuisunut apeqqutit ataaniittut saqqummiussimavatit. Ineqarnermut Attaveqatigiinnermullu Naalakkersuisoqarfimmit aamma Visit Greenlandimit akissutinik pissarsiniartoqarsimavoq.

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: isiin@nanoq.gl
www.naalakkersuisut.gl

- 1. Naalakkersuisut uppersarsinnaanerpaat takornarianik angallassisartut nunatta avataaneersut nunatsinni takornariartsinermik ingerlatallit timmisartuni issiavissanik inniminniivallaartarnerat pissutigalugu innuttaasut nunatsinneersut Ittoqqortoormiunut tassangaaniillu angalaniernerisa ajornarsinerunera?**

Akissut: Ineqarnermut Attaveqatigiinnermullu Naalakkersuisoqarfimmit akissut una pissarsiarineqarpoq:

"Nunap ilaani angallassisartuni Air Greenlandimi aamma Norlandairimi billettinik inniminniinissamut ilaasut tamarmik, Ittoqqortoormiini innuttaasut soorlulusooq takornariat aallaaviatigut assigiinnik atugassaqartuupput. Ukiup ilaani pisoqarfiunerpaami takornariat amerlanerit nunap ilaanik angallassisoqartarnermik atugaqartartuunerat eqqortuuvoq.

Najukkamit angalasunut inissanik aalajangersimasumik amerlassusilinnik ingerlatseqatigiit inniminniisarnerat Norlandairip ilisimatitsissutigaa.

Pisariaqartitsinermik matussusiiarlutik piffissap ilaani ilassutitut timmisartuussinernik Norlandair inissiisarsimavoq."

- a. Aappiuppat: Naalakkersuisut pissutsit taamaannerinut qanormita isumaqarpat?**

Akissut: Apeqqut 1-imut akissut takuuk.

- 2. Naalakkersuisut ilisimatitsissutigisinnaanerpaat ilaasunik timmisartukkut Tunumi angallassisarnissamut kiffartuussinissamik isumaqatigiissuteqarfigineqarnermi nunatsinni najugaqartut taavani taavungalu angalanissaminnut pisariaqartitsisarnerat immikkut isiginiarneqartarnersoq?**

Akissut: Ineqarnermut Attaveqaqatigiinnermullu Naalackersuisoqarfimmit akissut una pissarsiarineqarpoq:

”Tikiffissanut angalanissamut periarfissaqartuunngikkaluanut tunngavigisat pingaarnerit pingasut malillugit kiffartuussinissamik isumaqatigiissutaasunut tapiissuteqartoqartarpoq, taamaanngippat akigititat amerlasuut angalanissamut tunuarsimaartissagaluarmagit, angallassisarnerillu akulikkissusiat akuerisassaangitsutut annikippallaassagaluarmat.

Najugaqartut angalanissamut periarfissaannik qularnaariniarluni kiffartuussinissamik isumaqatigiissut atsiorneqarsimavoq.”

a. Naaggaappat: Ilaasunik timmisartukut Tunumi angallassisarnissamut kiffartuussinissamik isumaqatigiissuteqarfigineqartut kiffaanngissuseqartitaappat issiaviit qanoq agguataarnissaannut?

Akissut: Ineqarnermut Attaveqaqatigiinnermullu Naalackersuisoqarfimmit akissut una pissarsiarineqarpoq:

”Sapaatip akunneranut marloriarluni timmisartuussisarnissamut aamma akigititamut tapiiffigineqartumut billettinik aalajangersimasumik amerlassusilimmik neqerooruteqarnissamut suliaqartuusoq pisussaaffeqarpoq. Billestit neqeroorutaasut kikkunnit tamanit pissarsiarineqarsinnaapput, takornarianit aamma najugaqarfimmeersunit. Apeqqut 1-imili oqaatigineqartutut najukkami innuttaasunut billetsinik aalajangersimasumik amerlassusilinnik Norlandair inniminniisarpoq.”

3. Naalackersuisut ilisimatitsissutigisinnaanerpaat Ittoqqortoormiini Nerlerillu Inaani takornariaqartitsiviit nunatta avataaneersut qassiunersut?

Akissut: Visit Greenlandimit akissut tullinnguuttoq pissarsiarineqarpoq:

”Ukiuunerani/upernaami Ittoqqortoormiit eqqaanni ukiorpassuarni nunanit allanit angallassisartoq ingerlatsisartuusoq Visit Greenlandip ilisimavaa. Aasaanerani ingerlatsisartunit nunanit allaneersunit assigiinngitsuni pingasuni ilaasut angallanneqartarput. Ingerlatseqatigiiffiit tamarmik sumiiffimmi umiarsuartigut takornariatitsisarneq sammisaraat.”

4. Naalackersuisut ilisimatitsissutigisinnaanerpaat takornariaqartitsiviit nunatta avataaneersut, makkunuunatigut ingerlatsinissaminnut akuersissutinik qinnuteqaateqartariaqarnersut:

a. Ittoqqortoormiit illoqarfiata, Nerlerit Inaata tamakkulu eqqaanni takornariaqarnikkut aaqqissuussisarnissaminnut?

Akissut: Pinngitsuinerit aalajangersimasut pinnagit Kalaallit Nunaanni suliffimmik ingerlataqarnissamik inuit imaluunniit suliffeqarfiit allat kissaateqartut assigalugit

takornariaqarnermik suliaqartut nunap avataaneersut Qitiusumik Suliffeqarfinnik Nalunaarsuiffimmi (CVR) nalunaarsuisarneq pillugu Inatsisartut inatsisaat nr. 33, 28. november 2016-imeersumi piumasaqaataasut naapertuutsittussaassavaat

Tamatuma saniatigut Nuna Allannngutsaaliukkami sumiiffimmi suliaqarlunilu atugaqarnissamut ilassutaasumik akuersissummik pigisaqarnissaq piumasaqaataavoq.

b. Snescooterit angisuut tikisillugit Nerlerit Inaanni eqqaanilu pinngortitami angallatigalugit atornissaannut?

Akissut: Qitiusumik Suliffeqarfinnik Nalunaarsuiffimmi (CVR) nalunaarsuisarneq pillugu Inatsisartut inatsisaat nr. 33, 28. november 2016-imeersoq naapertorlugu Kalaallit Nunaanni suliffeqarfimmik ingerlatsinermi suliffeqarfittut nalunaarsorsimasutut Inatsisartut inatsisaat nr. 9, 22. november 2011-meersoq najoqqutaralugu avatangiisit illersornissaat pillugit malittarisassiat atulersitaasut malittarineqartussaassapput. Tassani ilaapput ilaatigut angallatit ingerlatsiviillu nuuttakkat mingutsitsineramik nassataqarsinnaasut allat.

5. Naalackersuisut ilisimatitsissutigisinnaanerpaat pisortat oqartussaaffiisa nakkutigisarneraat, takornariaqartitsiviit nunatta avataaneersut Ittoqqortoormiit eqqaani sumerpiaq angallassisarnerisut?

Akissut: Apeqqut 4-mik akissut takuuk.

6. Naalackersuisut ilisimatitsissutigisinnaanerpaat takornariaqartitsiviit nunatta avataaneersut nunatta pisuussutaanik nalituunik nunatta avataanut unioqqutitsillutik annissueqataasarsimanersut?

Akissut: Takornariaqarnermik suliaqartut nunap avataaneersut nunamit pinngortitami isumalluutit naleqarluartut unioqqutitsillutik aallarussaqaqarnerannik Naalackersuisut ilisimasaqalissappata tamanna politiinut unnerluutigineqassaaq. Taamaattorli tamatuminnnga Naalackersuisut ilisimasaqanngillat.

7. Naalackersuisut ilisimatitsissutigisinnaanerpaat takornariar-titsiviit nunatta avataaneersut ingerlataasa nunaqavissut takornariartitsiviinut Ittoqqortoormiiniittunut qanorpiaq sunniuteqartarnersut?

Akissut: Visit Greenlandimit akissut tullinnguuttoq pissarsiarineqarpoq:

”Ittoqqortoormiini najukkami takornariaqarnermik suliaqartoq malillugu umiarsuartigut takornariartitsinerit annertusisut najukkami isertitaqartitsilluarmata nuannaarutigineqarpoq. Taamaattorli tamatum qanoq annertutigineranut kisitsisinik pissarsisoqanngilaq.”

Inussiarnersumik inuulluaqqusillunga



Aqqalu Jerimiassen